

nga hoki. Tokorua nga tamariki pakupaku ki te hapai i tona koroka kingi, ko tetahi o ana tamariki hei kingi i muri iho i a Tupou. Nga kahu o te kingi he kahu apihia hola, nui atu te kaha o te kanapātanga. Ko tona kara he rereke ano, he koura tetahi wahi. Ko tona papa tonu tona hoa, i tu ia ki tetahi taha o te torona. I te tomokanga mai o te kingi ka tangi te okena, he pakū ki te whakatangitangi. No muri rawa ka tae mai a Rawinia, i tomo mai ma te tatou o te katon. Na tona papa tonu ia i arahi mai. Te kakahu o Rawinia he hatene ma, tokoono nga tamariki wahine ki te hapai i tona arai. He mea whiri-whiri mai aua tamariki i nga wahi katon o te kingitanga; ko o ratou kakahu he hatene ma ano. He kakahu apihia hola ano hoki o Kupu te papa o Rawinia. I te mutunga o te marena ka arahina e te kingi a Rawinia ki tona torona, a i a Rawinia e koropiko ana i te araro o te kingi, ka potaenā ki te karuama, me te mea ano te kingi, "*Ohu fakanofo ahoni Lavinia koc kuini o Toga.*" (Ka whakanohoa e ahau akuanēi ko Rawinia te kuini o Toga.) I te putanga o te Kingi raua ko te Kuini ki waho o te whare karakia, ka whakatutu nga hoa, ka tangi te peene a te Kawanatanga, ka paku ano hoki te repo, he whakamihī, he whakamui ki a Hori Tupou II, me Rawinia, Kingi, Kuini o Rarotonga.

NGA MEA NGOIKORE.

1. *Te Puehu.* Kenchi 3, 19.

He puehu te tangata, otira ko ia te rangatira o nga mea katoa o te ao; ko ia kei raro tata tonu iho i te Atua, kei runga ake o nga anahera, no te mea i hanga ia e te Atua kia rite ki a ia ano te ahua; i mate te Atua mo te tangata; he teina ia no Te Karaiti, he kai nobo ngatali hoki me ia i te rangatirataunga o tona Matua. Ko nga anahera katoa he pononga na te Atua, a kahore ratou e mohio ki te aroha o te Karaiti, kahore hoki ia i mate mo ratou. Ano te hohonu o te aroha o te Atua, e kore nei e taea te whakaaro! E te tangata kaati noa te whakakino i te ahua o te Atua e mau nei i runga i a koc; kaati hoki te takatakahi i nga toto o te Tama a te Tangata ki raro i o waewae.

2. *Te Reo o Mohi.* Eko. 3, 11; 4, 10.

"He tangata aha ahau," ara chara ahau i te tino tangata. I whakanuia a Mohi e te Atua, hei tohunga mana, hei arahi i tona iwi ki te whenua o Kanaana; a ko ia tetahi tino poropiti a Ihowa. (Tiro. Tiu. 34, 10.) "He reo

ngoikore hoki toku he arero paremo." Tirohia rarangi 11. He pera ano te reo o Paora. 2 Kor. 10, 10; 11, 6. Otira ko wai te tangata i rite kia Paora, te kaha ki te mahi, te toa ki te korero. Tiro. Here. 1, 4 - 10.

3. *Te Tokotoko o Mohi.* Eko. 4, 17.

He mea iti noa iho tenei mea te tokotoko, he mea ora-kore, eugari na te tokotoko o Mohi i whakatau nga mate tino kino atu ki runga ki te whenua o Ihpa; i whakamaroke te Moana Whero; i whakangaro te ope a Parao; i wahi te kamaka, a maringi ana mai he wai; i mahi nga tohu maha. I kaha ai taua rakau, na te mea i roto taua tokotoko i te ringa o Ihowa o nga mano. Eko. 17, 9. He aha ta tatou mea kei roto i o tatou ringa? He mea hauwarua noa iho pea? Tapaea atu ki te Atua, a mana e whakamui, e whakakaha ano hoki. 2 Kor. 12, 9 10.

4. *Te Wero Kau.* Whrit. 3, 31.

Na te wero kau i patu nga Pirihitini e 600, a i whakaora a Ihairaira. He rakau anake ki te Atua, mehemea kei roto i tona ringa. Whrit. 4, 4 21.

5. *He Wahine.* Whrit. 4, 4.

"E rua tekau nga tau i tukinotia rawatia ai nga tamariki a Ihairaira" e Iapini kingi o Kanaana, raua ko Ihiera rangatira o tana ope. I te tangihanga o nga Tamariki a Ihairaira homai ana e Te Atua he wahine hei kai-whakaora i a ratou, ara ko Tepora. I whati i a Tepora raua ko Paraka te ope a Ihiera, patua iho a "kiai hoki tetahi i toe." Ko te tino marohirohi ko Ihiera na te wahine ano i whakamate, ara na Taere. (Tiro. Kenchi 2, 22.

6. *Te Tere, me te Oko.* Whrit. 7, 20.

I te warewarenga o nga tamariki a Ihairaira kia Ihowa tukua ana ratou e ia ki nga ringaringa o nga Miriana e whitu nga tau. I tukinotia ratou, i whakamotingia a ratou kai, a ratou rawa. Katabi a Ihairaira ka tangi atu ki a Ihowa. I tahuri mai ia ki ta ratou karanga, a unga atu ana a Kireono me tana ope e 300 ki te whawhai ki te ope o nga Miriana, "ano kei nga mawhitiwhiti te maha; e kore hoki e taea te tatou ratou." E mohio ana tatou ki te rerenga me te whatinga o te puni o nga Miriana i to ratou rongonga i te tetere me te pakarutanga o te oko, a i to ratou matenga i "te hoari a Ihowa raua ko Kireono." (Tiro. 2 Nga Whakapapa 20, 12 17; 2 Kingi. 6, 16; Rom. 8, 31.) I ta tatou whawhai ki te hara ko Ihowa to tatou kaha. Ahakoa ko te ao katoa hei hoa riri mo te tangata kotahi kei a ia nei Te Atua, ko taua tangata kei te taha kaha. Waia. 118, 6.

(*Taria e whakaati.*)